



**Өргөдөл зэрэг албан бичгийн бүтэц,
хэл найруулгыг шинжилж, найруулгын
онцлогийг тодорхойлох, өргөдөл бичих**

Хичээлийн зорилго

- Өргөдлийн бүтэц, агуулгын уялдаа холбоог тодорхойлох
- Өргөдлийн хэл найруулгыг задлан шинжлэх
- Өргөдөл бичиж сурах

A decorative network diagram in the top-left corner, featuring a complex web of interconnected nodes and lines. The nodes are represented by small circles, some of which are solid grey and others are hollow with a grey outline. The lines connecting them are thin and grey, creating a dense, organic structure.

Өргөдлийн агуулгыг харьцуулъя

Өргөдөл 1.

*Орхон аймаг дахь Улаан Загалмайн Нийгэмлэгийн захирал
Б.Батжаргал танаа өргөдөл гаргах учир нь*

Батсуурь овогтой Төгсбаяр миний бие Орхон аймгийн 5 дугаар дунд сургуулийн 9 дүгээр ангид сурдаг.

Танай байгууллагаас хэрэгжүүлж буй “Олон Улсын Найрамдал-IV төсөл”-ийн хүрээнд “Хөдөөгийн сургуульд суурилсан ариун цэвэр ба гамшгийн өмнөх бэлтгэл” гэсэн чиглэлээр орон нутгийн сургуулийн сурагчдын эрүүл ахуйн мэдлэг, хандлагыг дээшлүүлэх, гамшгийн талаарх тэдний ерөнхий мэдлэгийг нэмэгдүүлэн, хариу үйлдэл үзүүлэх дадлага олгох сайн дурын ажилд оролцох хүсэлтэй байна.

Би сургууль, амьдарч буй орчиндоо тулгамдаж буй асуудлыг шийдвэрлэхэд хувь нэмрээ оруулах хүсэлтэй төдийгүй түүгээр дамжуулан, өөрийгөө нээж хөгжүүлэхийг эрмэлздэг. Энэ нь дээрх төслийн зорилго чиглэлтэй нийцэж байгаа бөгөөд дунд сургуулиа төгсөөд, гадаадын их дээд сургуульд тэтгэлэгтэй суралцахад чухал үзүүлэлт болж чадна. Би энэхүү төсөлд хамрагдвал идэвх зүтгэлтэй, хариуцлагатай, чин сэтгэлээсээ хандаж ажиллах болно.

Тиймээс миний зорилго, хүсэл эрмэлзлийг үндэслэн, төслийн сайн дурын ажилтнаар ажиллуулж өгнө үү.

*Өргөдөл гаргасан: Орхон аймгийн Баян-Өндөр сумын
5 дугаар сургуулийн 9в ангийн сурагч Батсуурь овогтой Төгсбаяр
Утас: 95522341*

2015 оны 2 дугаар сарын 16



Өргөдөл 2.

*Чингэлтэй дүүргийн 24 дүгээр сургуулийн
захиргаанд өргөдөл гаргах учир нь*

Бадарч овогтой Ариунзаяа миний бие тус сургуулийн 8б ангид суралцдаг. Чөлөөт цагаараа Монголын Хүүхдийн Ордны төгөлдөр хуурын дугуйланд явдаг.

Би саяхан болсон төгөлдөр хуурчдын улсын аварга шалгаруулах тэмцээнд амжилттай оролцон, мөнгөн медаль хүртэн, улмаар энэ сарын 24-29-ний өдрүүдэд Италийн Веска хотод зохион байгуулагдах олон улсын өсвөрийн төгөлдөр хуурчдын тэмцээнд оролцох эрх авсан билээ.

Тиймээс энэ тэмцээнд оролцох боломж олгон, 11-р сарын 21-31-ний өдрийг хүртэл 10 хоногийн чөлөө олгоно уу.

*Өргөдөл гаргасан: ЧД-ийн 24-р сургуулийн
8б ангийн сурагч Б.Ариунзаяа*

2017. 11. 17

1

Улаан загалмайн
нийгэмлэгийн захирал
Б.Батжаргалд

Ямар зорилгоор бичсэн байна вэ?

- Сайн дурын ажилд оролцох

Товч танилцуулга

- Сайн дурын ажилд оролцох хүсэлтэй байгаа тухай
- Асуудлыг шийдвэрлэхэд хувь нэмрээ оруулах , тухайн төсөлд идэвх зүтгэлтэй оролцох тухай

Сайн дурын ажилтнаар
ажиллахыг хүссэн хүсэлт

Хэнд хандсан
байна вэ?

Эхлэл
хэсэг

Гол хэсэг

Төгсгөл
хэсэг

2

Чингэлтэй дүүргийн 24-р
сургуулийн захиргаанд

Ямар зорилгоор бичсэн байна вэ?

- Олон улсын өсвөрийн төгөлдөр хуурчдын тэмцээнд оролцох

Товч танилцуулга

Италийн Веска хотод болох олон
улсын тэмцээнд оролцох эрх авсан
тухай

Тэмцээнд оролцох боломж
олгож, хичээлээс чөлөөлөх
чөлөө хүссэн

Өргөдөл гаргагч нь өргөдлийн төгсгөлд өөртэй холбоотой ямар, ямар мэдээллийг бичсэн байна вэ?

Өргөдөл 1,2:

Өргөдөл бичсэн хүний хаяг, овог нэр, холбогдох утас

Өргөдлийн бүтцийг судалъя



Өргөдлийн хэсгүүдийг зөв дараалалд оруулъя

- Өргөдөл бичих болсон учир шалтгаан буюу агуулга
- Явуулагчийн хаяг, албан тушаал, гарын үсэг
- Хүлээн авагч байгууллага, хүний нэр бүхий өргөдлийн толгой
- Он, сар, өдөр

01

Хүлээн авагч байгууллага, хүний нэр бүхий өргөдлийн толгой

02

Өргөдөл бичих болсон учир шалтгаан буюу агуулга


03

Явуулагчийн хаяг, албан тушаал, гарын үсэг

04

Он, сар, өдөр

Утга агуулгаасаа
шалтгаалаад
хэмжээ нь ямар ч
байж болно.



Өргөдлийн
хэмжээ ямар
байх ёстой вэ?
2 өргөдлийг
харьцуулан
дүгнэлт гаргая.

Өргөдлийн хэл найруулгыг шинжилье

Өргөдлийг
ямар өнгө
аясаар
бичсэн байна
вэ?

Гуйсан

Шаардсан

Тушаасан

Учирласан

Өргөдөл гаргах шалтгаан ба хүсэж буй зүйлээ илэрхийлэхдээ гол төлөв ямар холбох үг ашигласан байна вэ?

Өргөдөл 1:

- Төдийгүй- зэрэгцүүлэн холбох үг
- Бөгөөд- зэрэгцүүлэн холбох үг
- **Тиймээс – шалтгааны утгатай холбох үг**

Өргөдөл 2:

- Улмаар- лавшруулах утгатай холбох үг
- **Тиймээс- шалтгааны утгатай холбох үг**

Өргөдөл

Хувь хүнээс асуудал шийдэх мэдэл бүхий албан газар, дарга сайд нарт хувийн хүсэлтээ бичин өргөж барьсан албан бичгийг өргөдөл гэнэ. Бичиж байгаа зүйлийн агуулгаас хамааран, албаны үг хэллэгээс гадна мэргэжлийн үг хэллэг, нэр томьёо нэлээд ордог.

Өргөдлийн эхэнд харилцахыг хүссэн албан газар, албан тушаалтны нэрийн ард “танаа” гээд дараах мөрийг голлуулан “өргөдөл гаргах учир нь” гэж бичсэнийг өргөдлийн толгой гэдэг.

Өргөдлийн эхлэл хэсэгт өөрийн (өөрсдийн) тухай товч тодорхой танилцуулаад, дараа нь уг хүсэлтийг шийдэхэд холбогдох зүйлийг бичиж, төгсгөлд юуг хэрхэн шийдүүлэхийг хүсэж байгаагаа бичдэг. Өргөдлийн дор “өргөдөл гаргасан” гээд ажлын болон гэрийн хаяг, овог нэр, он сар, өдөр, шаардлагатай гэж үзвэл утасны дугаараа бичнэ.

Өргөдлийн бүтэц:

- ✓ Хүлээн авагч байгууллага, хүний нэр бүхий өргөдлийн толгой
- ✓ Өргөдөл бичих болсон учир шалтгаан буюу агуулга
- ✓ Явуулагчийн хаяг, албан тушаал, гарын үсэг
- ✓ Он сар өдөр гэсэн байдалтай байна.

Өргөдлийн утга агуулга нь янз бүр байдаг бөгөөд бичсэн зүйлийн агуулгаас хамааран хэмжээ нь ямар ч байж болно. Өгүүлсэн баримт нь үнэн, дэс дараа сайтай, нуршуу биш, ойлгомжтой, юу хүссэн нь тодорхой байх ёстой.

Өргөдөл нь тогтсон
загвартай албан бичиг
учраас тодорхой
стандартын дагуу бичдэг.
Өргөдлийг А4 хэмжээний
бичгийн цаасан дээр
дараах хэмжээг
баримтлан бичнэ.

3 см

2,5 см

(Байгууллага албан тушаалтны нэр)
өргөдөл гаргах нь
(өргөдөл гаргагчийн товч
танилцуулга)

(өргөдөл гаргах болсон шалтгаан
үндэслэл)
(юуг яаж шийдүүлэхээр хүсэж байгаагаа)

2,4 см

Өргөдөл гаргасан (овог нэр, дэлгэрэнгүй
хаяг, утас)

Он, сар, өдөр

2,5 см

Загварын дагуу өргөдөл бичье

■ Өргөдөл бичих асуудал

Танай ангийнхан хичээлээс гадуурх ажлын хүрээнд сурагч, эцэг эхчүүдийн хамтарсан хөгжөөнт тэмцээн зохиохоор болжээ. Тэмцээн зохион байгуулахын тулд сургалтын менежерээсээ спорт заалыг нэг өдөр ашиглах зөвшөөрөл хүсэж өргөдөл бичих болов.

Өргөдлийн
толгой хэсэг

...сургуулийн сургалтын менежер...
танаа

Өргөдлийн
агуулга

- **Эхлэл хэсэгт** : өөрийн товч танилцуулга
- **Гол хэсэгт** : тэмцээн зохиох гэж байгаа тухай
- **Төгсгөл хэсэгт**: спорт заалыг нэг өдөр ашиглах эрх хүсэх

Төгсгөл

Нэр, хаяг, утас

Бичсэн өргөдлийг шалгуурын дагуу үнэлье.

*Сургалтын менежер Ц.Наранцэцэг танаа
өргөдөл гаргах учир нь:*

Тус сургуулийн 8А ангийн сурагчид жил бүр уламжлал болгон зохион байгуулдаг эцэг эх, сурагчдын хамтарсан тэмцээнээ энэ долоо хоногийн бямба гарагт зохион байгуулахаар төлөвлөж байна.

Энэхүү тэмцээн нь гар бөмбөг, сагсан бөмбөг, хөгжөөнт тоглоом гэсэн төрлүүдээс бүрдэх тул заавал спорт зааланд зохион байгуулах шаардлага тулгараад байна.

Тиймээс бидэнд эцэг эхтэйгээ нэг өдрийг хөгжилтэй өнгөрөөх боломж олгон, сургуулийн спорт зааланд тэмцээнийг зохион байгуулах зөвшөөрөл олгоно уу.

Өргөдөл гаргасан: Арвайхээр хотын 2-р сургуулийн
8А ангийн сурагч Б.Батжаргал
Утас: 80551221
2017.4.25

*Биеийн тамирын багш Б.Алтангэрэлд:
Асуудлыг өргөдөл ёсоор шийдье.*

*Сургалтын менежер Ц.Наранцэцэг
2017.4.28*

*Сургалтын менежер Ц.Наранцэцэг танаа
өргөдөл гаргах учир нь:*

Билэгт овогтой Жаргалан миний бие тус сургуулийн 8Б ангид суралцдаг. Манай ангийнхан энэ долоо хоногийн бямба гарагт эцэг эх, сурагчдын хамтарсан тэмцээн зохион байгуулах гэж байна. Энэхүү тэмцээнийг зохион байгуулахад биеийн тамирын заал шаардлагатай байна.

Тиймээс бидэнд сургуулийн спорт зааланд тэмцээн зохион байгуулах зөвшөөрөл олгоно уу.

Өргөдөл гаргасан: Арвайхээр хотын 2-р сургуулийн
8Б ангийн сурагч Х.Жаргалан
2017.4.25

*Сургуулийн биеийн тамирын заалыг
ашиглуулах боломжгүй. Сургалтын
менежер Ц.Наранцэцэг
2017.4.28*

Шалгуур	Өргөдөл 1	Өргөдөл 2
Хандаж буй албан байгууллага, албан тушаалтнаа тодорхой бичсэн.		
Өөрийн тухай товч танилцуулсан		
Өргөдөл гаргах болсон шалтгаан, нөхцөлөө тодорхой бичсэн		
Өргөдлөө хэрхэн шийдүүлэх гэж хүсэж байгаагаа тодорхой бичсэн		
Өөрийн овог, нэр, хаяг, утсаа бичсэн		
Өргөдөл гаргасан он, сар, өдрөө бичсэн		
Өргөдлийн стандартыг баримталж, А4 цаасан дээр гараар бичсэн		
Өргөдлийн бүтцийн дагуу догол мөр гаргаж бичсэн		
Албаны өнгө аясаар бичсэн		
Зөв бичих дүрмийн алдаа гаргаагүй		
Найруулга зүйн алдаа гаргаагүй		
Үнэлгээ : Сайн  Дунд  Тааруу 		

Бие дааж өргөдөл бичье.

Сургалтын менежерт

Жирийн ангиас
математикийн
гүнзгий ангид
шилжин орох
тухай

Аймгийн засаг даргад

Аймгийн засаг
даргын
нэрэмжит
тэтгэлэгт
хамрагдах тухай

Нийгмийн ажилтанд

Анги хамт
олноороо
санаачлан,
хоггүй
сургууль аян
өрнүүлэх
тухай

Өргөдөл бичих
асуудлаа сонгоорой.

Асуудлын дагуу өргөдлөө төлөвлөөрэй.

Хэнд хандаж бичих вэ?


Ямар зорилгоор бичих вэ?

Ямар шалтгаан нөхцөл байдал
үүсэн бэ?

Асуудлыг яаж шийдүүлэх вэ?

Өргөдөл гаргасан

- Өргөдөл бичихдээ баримталдаг стандартын дагуу зайгаа тохируулах
- Эхлэл, гол, төгсгөл хэсгээ ялган догол мөр гарган бичих
- Өргөдөл гаргах болсон шалтгаан болон хэрхэн шийдүүлэх гэж байгаа хүсэлтээ тодорхой бичих
- Өөрийн овог, нэр, хаяг, утсаа бичих
- Өргөдөл гаргасан он сар өдөр
- Зөв бичих дүрмийн болон найруулгын алдаагүй, гаргацтай бичих

A decorative background featuring a network diagram. It consists of numerous nodes, represented by small circles, some of which are solid blue, some are solid grey, and some are hollow with a blue outline. These nodes are interconnected by thin, light grey lines, forming a complex web-like structure that is more dense in the corners and sparser in the center.

Анхаарал тавьсанд баярлалаа